



Inatsisartut

*Aningaasaqarnermut Ataatsimiititaliaq
Finansudvalget*

9. juni 2011

01.31.06/11-00534

Aningaasaqarnermut Naalakkersuisoq

Aningaasaqarnermut Ataatsimiititaliap suliag nr. 01.31.06/11-00534 pillugu pingasunngornermi ulloq 8. juni 2011-mi aalajangiineranik Naalakkersuisunut ilisimatitsineq.

Entrepreneurinut aatsitassarsiornermullu Ilinniarfimmu atuinerssutinut aningaasanik nuussinissaq

Naalakkersuisut **inassutigaaat**,

- kontomi pingaarnermi 84.40.12 Ilinniarfimmu sanaartukkat suliassamut nr. 120.52.042 Perorsaasunngorniat Ilinniarfiat, Ilulissat, aningaasaliissutit 1,9 mio. koruuninik ikilisinneqassasut, aamma
- kontomi pingaarnermi 84.40.09 Inuussutissarsiutitigut ilinniarfimmu suliassamut nr. 080.51.010 Entrepreneurinut aatsitassarsiornermullu Ilinniarfik, aningaasaliissutit 2011-mi 1,9 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Sisimiuni Entrepreneurinut Aatsitassarsiornermullu Ilinniarfiup allilerneqarnissaanut aningaasartuutit matussuserneqarnissaat siunertaralugu aningaasanik nuussinissaq Naalakkersuisut suliama matumani qinnutigaaat.

Sisimiuni Sanaartornermut Ilinniarfimmik allilerinernut allangortitsinernullu tunngasumik aningaasaliissutinik nuussinerit maanna arlalinngortut ataatsimiititaliaq isumaqarpoq. Tamatumani ilaatigut siunertarineqarluni aatsitassarsiornermik ilinniarfimmik pilersitsinissaq. Aammattaaq ilinniarfimmik atortussat pisariaqarneratut annertutigisumik pigineqanngitsut ataatsimiititaliaq paasitinneqarpoq.

Taamaattumillu Sanaartornermut Ilinniarfiup allangortiternerani allilerneqarneranilu suliap maanna killiffia pillugu ataatsimoortumik nassuiaammik tigusaqarnissaq ataatsimiititaliamit qinnutigineqarpoq. Nassuiaat taanna aqutigalugu aningaasaliissutinik allannguinerusimasut, sanaartorerit maanna killiffiat, qaangerniagassat, aningaasaliissuteqartoqarnissaanik pisariaqartitsilersinnaanerit tamatumalu nassatarisaanik ajornartorsiutaalersinnaasut kiisalu tamatuma aningaasatigut kingunerisinnaasa paasisaqarfiginissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Tamatuma peqatigisaanik nassuiaatip siuliani nassuiaatigineqartup kingusinnerpaamik ulloq 1. august 2011-mi tiguinissaa atatsimiititaliamit qinnutigineqarpoq. Naalakkersuisut nassuiaataat kalaallisut danskisullu nassiuteqquneqarpoq nuutinneralu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap siulittaasua